

INUIT ATAQATIGIIT

Inatsisartuni



Aasiaat 26. juni 2019

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattumik apeqquteqaateqarpunga.

Naalakkersuisunut apeqqutit:

- 1. Moriusap eqqaani Mineralimik Ilmenit-mik piaanissaq qaqugu aallartinnissaa naatsersuutigineqarpa? Aamma piaanissamut tunngatillugu Naalakkersuisut qanoq naatsersuuteqarpat? Ukiumut qassi tons qallorneqassava?**
- 2. Minerali ilmenit tonsimut qanoq naleqarpa?**
- 3. Nunatta karsiata ukiumut qanoq annertutigisumik isertitsissutigisinnaaneraa pillugu Naalakkersuisut qanoq naatsersuuteqarpat?**
- 4. Nunatta isertitaqarluarnissaa nunattalu aningaasatigut iluaqutigilluassappagu Naalakkersuit qanoq pilersaaruteqarpat?**
- 5. IBA-mut aammalu Royaltymut tunngatillugu Naalakkersuisut isumaqatigiissuteqare-erpat? Naamiuppat qaqugu tamanna aaqqinneqassava?**

(Inatsisartuni ilaasortat Peter Olsen, Inuit Ataqatigiit)

Tunngavilersuut:

Inuit oqallittarfianni Moriusap eqqaani mineralimik Ilmenit-imik piaanissaq eqqartorluarneqalersimavoq, tamannalu inuiaqatigiit peqataatinneqarnerunissaat eqqarsaatigalugu Naalakkersuisutiguunngikkaluarlugu anguneqartoq takullugu nuannerpoq.

Eqqartorneqarpoq allaat ullut 14-kkaarlugit piiagaq 100.000 tons annissorneqassasoq, allaallu ullummikkut akiusut tunngavigalugit 33 mia.kr-nik tamanna naleqassasoq oqariartuutigineqarluni.

Tamanna Naalakkersuisunit ammasumik periuseqarluni erseqqissarneqartariaqarpoq.

Aatsitassaq piaarneqartussaq nunatta annerpaamik pissarsiaqarfigissappagu assorsuaq kissaatiginarpoq Naalakkersuisut isumatusaarluarlutik eqqarsarluarlutillu ingerlatsinissaat iliuseqarnissaallu.

Tamanna nunatta annerpaamik isertitaqarsinnaanissaa pillugu Naalakkersuisut qanoq pilersaaruteqarnersut paaserunnarpoq.

Taamatut tunngavilersuuteqarlunga matumuuna apeqquteqaatikka ingerlateqqippakka.

Qinnutigissavara apeqquteqaatima ullut suliffiusut qulit iluanni akineqarumaartut.